



Oiky Posner ta haya un bunita despedida na su entierro



ORANJESTAD (AAN)-- Diaranzon tabata e dia cu amigo, famia y conocirnan a bini hunto pa asina despedi di Oiky Posner cu a bay laga nos. Por a mira cu durante di e prome dia pa duna condolencia y Diaranzon cu tabata e dia pa e entierro mes.

Un cantidad grandi di personanan ayega na e gran comerciante aki, rindiendo nan ultimo respet pa un gran ser humano cu a sa di gana e popularidad di ta un comerciante dinamico, positivo y cu semper e entusiasmo pa logra metanan cu el a pone su dilanti den bida.

Diferente persona hopi ayega na Oiky Posner a haci uso di e oportunidad, pa asina dirigi algun palabra na esnan presente y a logra di conta algun di Oiky su anecdota nan y no por a laga afo, e forma con oiky a biba su bida. Semper positivo y cu e meta pa semper tin alegria unda cu e por tabata.

Por a mira bon cla cu Oiky a percura ainda na su ultimo momento entre su famia, amigo y conocirnan, pa su lema a prevalece, ya cu e Oiky no tabata kier pa ningun presente tabata tristo, sino mas bien, contento cu Todopoderoso a permitie biba un bida cu hopi amor, paz y tranquilidad entre su sernan keru.

Diario ta haci uso di e oportunidad aki, pa manda palabra di hopi forza na Oiky su yiunan, su nietonan, su amigonan y sigur tambe na su esposa Greta Posner Figaroa. Cu Oiky sosega na paz.

